



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1515536

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

23 փետրվարի 2022թ.

Բ. Երևան
(կազմման վայրը)

Ակտի հասցեատեր

Ֆիզիկական անձ Գագիկ Դավիթի Խաչումյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

**Բ. Երևան, Սևաբերդի Սաքոյի փ., 89 տ.
անձն.՝ AS0339576**

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 26.01.2022թ. թիվ 1515536 որոշման հիման վրա (հիմք՝ ՀՀ քննչական կոմիտեի Գեղարքունիքի մարզային քննչական վարչության Սևանի քննչական բաժնի 30.12.2021թ-ի թիվ 50/3631-/21 գրություն) «Օպերատիվ-հետախուզական գործունեության մասին» ՀՀ օրենքով իրականացված օպերատիվ-հետախուզական միջոցառումների արդյունքում պարզվել է, որ Բ. Երևան, Սևաբերդի Սաքոյի փողոց, 89 տուն հասցեի բնակիչ, ՀՀ քննչական կոմիտեի Գեղարքունիքի մարզային քննչական վարչության Սևանի քննչական բաժնում քննվող թիվ 50166919 քրեական գործով վկա Գագիկ Դավիթի Խաչումյանը, վարույթն իրականացնող մարմնի կողմից նախազգուշացված լինելով ակնհայտ սուտ մատնություն կատարելու համար ՀՀ քրեական օրենսգրքի 333-րդ հոդվածով նախատեսված քրեական պատասխանատվության մասին, 07.12.2021 թվականին տրված ցուցմունքով հայտնել է, որ 2018թ. օգոստոսի վերջերին Սևանա թերակղզու՝ դեպի եկեղեցի բարձրացող ավտոճանապարհի ձախ հատվածում տեղադրել է տաղավար՝ սեղան, և իրականացրել տարբեր տեսակի հուշանվերների մանրածախ վաճառք: Նշված գործունեությամբ զբաղվել է տարվա ոչ բոլոր ամիսներին, մասնավորապես՝ 2018թ-ին օգոստոս ամսվա վերջերից մինչև նոյեմբեր ամսվա վերջ ընկած ժամանակահատվածում, իսկ 2019թ-ին՝ ապրիլի վերջից մինչև նոյեմբեր ամսվա վերջը՝ ամսական ստանալով 50 000 ՀՀ դրամ եկամուտ:

Գագիկ Դավիթի Խաչումյանի կողմից իրականացված գործունեության ընթացքում ձեռնարկատիրական եկամուտը կազմել է՝
2018 թ-ին 150 000 ՀՀ դրամ,

2019 թ-ին 350 000 ՀՀ դրամ:

Այսինքն ապօրինի գործունեություն իրականացնելու ամբողջ ժամանակահատվածում ձեռնարկատիրական եկամուտը կազմել է՝ 500 000 ՀՀ դրամ:

Վերոգրյալ ընդհանուր 500 000 ՀՀ դրամ արժողությամբ ապրանքների առուվաճառքը Գագիկ Խաչումյանի կողմից իրականացվել է առանց պետական գրանցման և հարկային մարմնում հաշվառման:

Վերոգրյալը հաստատվել է Գագիկ Խաչումյանի կողմից 09.02.2022թ. ներկայացված գրավոր հայտարարությամբ:

Թիվ 1515536 արձանագրությամբ 09.02.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 22.02.2022թ. նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 407-րդ հոդվածի 1-ին մասով ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից:

Տվյալ դեպքում Գագիկ Խաչումյանի կողմից խախտումը վերջին 1 տարվա ընթացքում կատարվել է առաջին անգամ: Գործունեության ընթացքում ստացած ձեռնարկատիրական եկամուտը կազմում է 500 000 ՀՀ դրամ, որի 50%-ը կազմում է 250 000 ՀՀ դրամ, ուստի օրենսդրական պահանջից ելնելով Գագիկ Խաչումյանի նկատմամբ կիրառելի է 200 000 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Գագիկ Խաչումյանին գանձման առաջադրել 250 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (ՀՀ դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածով սահմանված տուգանք ընդամենը, որից՝	250 000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

Գագիկ Խաչումյան

ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտասխանագրու անձ՝ հաղուկ առաքման դեպքում)



ստորագրությունը

ընդամենը 3 էջ

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)